



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tribunal Conscientiæ Per Varias
Examini Industrias seipsam dijudicantis, Tendentibus ad perfectionem,
præsertim Religiosis accommodatum

Druzbicki, Kaspar

Ingolstadii, 1732

VD18 90066413

Industria III. Examen Conscientiæ vulneribus Jesu Christi jungendum,
ejusque rei ratio, & praxis.

urn:nbn:de:hbz:466:1-45441

ſcilicet illum ſervaverit toto die. Equidem nihil video quod prohibeat, cùm id à proficientibus præſtari poſſit valde facile, & absque actuationis periculo, idemque à fortiori de perfectis aſſero.

INDUSTRIA III.

*Examen Conſcientiæ vulneribus JESU Christi
jungendum ejusque rei ratio &
praxis.*

Plures ac ſpirituales viri excogitarunt plurimas, commodiſſimasque rationes Examiniſ conſcientiæ faciendi, ut partim planiorem illuſtriorumque facerent hanc exercitationem in via ſpirituali, plusquam dici poteſt neceſſariam, partim ut facerent etiam etiamque utiliorem, licet per ſeſe alioqui utiliſſimam. Ex his, hoc loco, unam pono, quæ eſt à vulnerum Christi Domini noſtri applicatione, ad Examiniſ Puncta deſumpta. Quinque ſunt Examiniſ Puncta, Vulnera Christi itidem quinque. In prima Parte Examiniſ aguntur gratiæ pro beneficiis. Primum Christi vulnus ſit Gazophylacium in quo beneficia, nobis collata reponuntur. In ſecunda Examiniſ parte, petitur lumen ad cognoscendas animæ, & conſcientiæ latebras. Secundum vulnus Christi ſit Sol illuminans, è quo poſtulat & ſumitur radius, ad illuminandas cordis tenebras. In 3. Examiniſ parte indignantur vitia & peccata. Tertium Christi vulnus ſit ſpeculum ad quod anima intuetur ſe, & omnia dicta, facta, cogitata, omiſſa ſua ſpeculatur, atque ob-

V. P. Druzb. Op. IX. B liqui-

liquitatem eorum cum Christi JESU rectitudine confert, ut contraria juxta se posita magis elucescant. In 4. Examinis parte, Contritione & detestatione abluuntur peccata omnia, præcipuè nunc commissa, quod quia sine Christi JESU sanguine & meritis non fit, idèd Quartum Christi vulnus sit Contritionis balneum, in quo lavantur omnes iniquitates cordis. In 5. Examinis parte fit propositum emendationis, proponitur constantiæ robur. Eapropter Quintum Christi vulnus sit petra refugii & munitio, ad quam anima confugit, ut sit tuta &c. Hæc conjunctio Examinis, cum JESU Christi vulneribus, auget in anima pietatem ad JESUM pro nobis vulneratum, reddit Examen Deo gratius, ad pellenda vitia efficacius, ad delenda peccata validius, animam ad profectum excitat, & roborat, suavius Examen efficit, delectabilioremque hunc laborem facit. Porrò operæ pretium erit Praxim hujus Examinis cum Christi vulneribus conjuncti hic apponere.

PUNCTUM
EXAMINIS I.

Vulnus Christi Primum in Pede dextro.

Vulnus Sacratissimi Pedis tui dextri, dulcissime JESU, sit mihi gazophylacium donorum. 1. Nature. 2. Gratia. 3. Gloria. 4. Quibus abusus sum. 5. Quibus abs te tuâque gratiâ donandus eram, & essem, nisi me indignum fecissem, & facerem, ac denique omnium omnino beneficiorum totius vite mee, ut in illo mihi conserventur, quoniam male illis est,

est, apud me, utpote qui illa dignè æſtimare non ſciens, facile illa negligo, dilapido, deperdo.

PUNCTUM
EXAMINIS II.

Vulnus Chriſti ſecundum Pedis ſiniſtri.

Vulnus Sacratiffimi Pedis tui ſiniſtri Dulciſſime Jeſu, ſit ſol meus, qui lucis ſuæ radium emit-
tat in animam meam, ut cognoſcam. 1. Quis tu ſis? 2. Quis ego? 3. Quid feceris mihi? 4. Quid debeam tibi? 5. Quid ſim mihi tecum, & quid ſine te? utque pervadam omnes perversi cordis mei latebras, & perſpiciam omnia peccata mea, deſteam illa digne, & huius tui vulneris pretioſo ſanguine abluam luculenter.

PUNCTUM
EXAMINIS III.

Vulnus Chriſti tertium Manus ſiniſtræ.

Vulnus Sacratiffimæ Manus Tue ſiniſtræ Dulciſſime Jeſu, ſit ſpeculum meum, in quo videam, & conſiderem peccatorum meorum vitiorumque numerum, gravitatem, feditatem. Hoc enim vulnus à Te pro meis peccatis ſuſceptum eſt. Unde & meritò in eo diſpici debent. Videam ergo in hoc nitidiſſimo ſpeculo. 1. Particularia huius temporis.

2. COGITATIONES, an fuerint otioſæ, vanæ, ſuperbæ, impuræ, gulofæ, acedioſæ, acetpidæ, iracundæ, abſorptivæ, fruſtra ſolicitæ,

murmuratoria, inconstantes, respectuosa, & ad spes, vel timores humanos attendentes.

VERBA. An fuerint superba, mordacia, iracunda, impetuosa, precipitata, superlativa, ironica, immansueta, detractoria, exaggerativa, contumeliosa, mendacia, ambigua, simulata, adulatoria, affectata, otiosa, ridicula, officiosa.

OPERA. An fuerint nulla, non recta intentione facta, ad hominum gratiam, spem, laudem, metum, ad commoditatem propriam directa? Non debito loco, ordine, modo, absque attentione, devotione, presentia, & reverentia Dei, absque fructu, non cum prava consideratione, electione, non ad regulas, nec cum adjunctione observationum solitarum, ex usu, temere, casu, contra, vel citra Dei, Ecclesiae, superiorum, regularum praecipita, praeter usum & vitam communem, disciplinamque, contra officium proprium, vel propositum, cum scandalo, cum conscientiae remorsu, cum languore, tædio, distractione animi, ex iudicio & voluntate propria, contra fraternam charitatem, vel absque illa, cum effusione mentis, sine dominio & presentia sui, cum festinatione, & angustis temporis.

3. OMISSA per negligentiam, incitiam, effusionem ad unum, & impotentiam affectus, ob leuem causam, & irrationabilem, ob dilationem, ob neglectum ordinis, temporum & actionum, cum tamen debuerint, potuerintque fieri à me, in gratiam Dei, Proximi, & meum fructum, meritum, propter exemplum, obedientiam, disciplinam communem. &c.

4. ALIENA mihi tamen imputanda, ob imperium,

G. Dr. 4
Bicki
opert 128
Tom III
N. V
58

perium, conſilium, exemplum, authoritatem, diſſimulationem, vel ejus ſpem, protectionem, participationem, non impeditio- nem, negligentiam meam in officio, aliis vel notam, vel probatam, vel ſperatam. Item aliena quidem ſed mea facta, ob indagatio- nem meam, cenſuram, reprehensionem, non cui intererat narrationem, cui intererat non narrationem, ob non promotionem, & favorem, cum potuerim, & quo adjecto fieri potuiſſet, vel ſimpliciter, vel commodius, vel facilius, vel utilius, atque perfectius, interea verò facta non ſint; vel ſi ſunt, incompetentè tamen facta.

5. ORDO temporum, actionum, & in actionibus occupationibusque obſervationum. An ſcilicet ſervatus ſit ordo temporum, & horarum punctualiter, & cum dominio mei? an item actiones peractæ ſuo tempore, & omnes? an item omnes ſuo modo, & cum adhibitione perfectionum communium? ut ſunt, præviſio, electio, deliberatio, conclusio, atque imperatio, Intentio, attentio, diligentia, fervor, intentio, perfeverantia, ſive conſtantia. Particularium quoque, ut ſunt. Intentio defæcata, conatus heroicus, gradus perfectionis ultimæ, charitas, & reſignatio ſublimis & gratuita. Fervor in majori & atomica proportione major & major, nomine & affectu, & conatu omnium creaturarum, in unione meritorum appropriatorum Chriſti, Pretioſiſſimæ Parentis, Sancto- rum omnium, ſacrificativè, digne digniſſimo Deo.

PUNCTUM
EXAMINIS IV.

Vulnus Christi quartum Manus dextræ.

Vulnus Sacratissime Manus tuæ dextræ Dulcissime JESU, sit mihi contritionis balneum, cuius virtute, & efficaciâ, & merito, desleo, & ablutione, & ommissione. 1. In Te. 2. In me. 3. In superiorem & regulam, & vitam communem, & officium. 4. In æqualem. 5. In inferiorem. Cui ablutioni & dolori meo peto vel guttulam Sacratissimi Tui sanguinis, ex hoc manus Tuæ dextræ vulnere admisceri, & tuo Divino conspectui per Sanctum Angelum custodem meum offerri, à Te autem Domino benignissimo acceptari mihi veram emendationem vitæ, & emundationem abs Te indulgeri.

PUNCTUM
EXAMINIS V.

Vulnus Christi quintum lateris & cordis.

Vulnus Sacratissimi cordis tui Dulcissime JESU, sit mihi refugium, munitio, & defensio 1. Contra iram tuam. 2. Peccata omnia, præcipue mortalia. 3. Fraudes dæmonum, carnis, mundi amorisque mei proprii. 4. Damna corporis. 5. Damnationem æternam. Sit mihi etiam abyssus peccatorum meorum omnium, in quam ego, cum plena cordis detestatione atque dolore, abjicio, & demergo omnes omnino imperfectiones meas; nunquam inde extrahendas, aut revocandas. Tu tantummodò largire mihi, dulcissime JESU, ex piissimo cordis tui vulnere,
vel

vel unicam guttulam, ſanguinis tui, in pignus & arrham, peccatorum meorum omnium, abs te mihi in æternum remiſſorum. Include autem me in imis viſceribus cordis tui, atque ibi me detine, excoque, exure, expurga, accende, ignefac, ſublima, in cordis tui naturam perfectè converte, ad puriſſimi cordis tui guſtum atque placitum, ad puram annihilationem meam. Amen.

Quos delectat uſus coronæ de vulneribus Chriſti Domini confectæ, hos etiam prædicta Examiniſ Praxiſ delectare poteſt, in quem finem in ſingulis Punctis quinque alia Puncta annotata ſunt, ut pro numero globulorum, in corona expendi hæc Puncta poſſint.

INDUSTRIA IV.

Examen Conſcientiæ, Diviniſ attributiſ, nec non humaniſ imperfectionibus jungendum atque condiendum.

AD ſuperioriſ Induſtriæ normam, poteſt ſimile condimentum Examiniſ Conſcientiæ fieri, deſumptum à Perfectionibus Diviniſ, quæ in illa Præcellentiſſima Dei natura elucent, & cum noſtri Examiniſ Punctiſ ſinguliſ analogiam quandam habent. Ita Gratiarum actio pro beneficiiſ poteſt fieri Deo, ut omnium Principio, Principi, fonti, Domino, conſervatori, largitori, digniſſimo.

Luminis Petitiſ poteſt fieri à DEO, ut eſt Prima & æterna, incommutabilis lux, veritas, ſapientia, cujuſ oculi multò pluſ lucidiores ſunt ſuper ſolem, conſideranteſ viaſ hominum, & abſconditaſ quaſcunquę parteſ. Inquiſitiſ ipſa

B 4

& ſcru-